



**JUDICIAL SYSTEM MONITORING PROGRAMME
PROGRAMA DE MONITORIZAÇÃO DO SISTEMA JUDICIAL**

**Komunikadu Imprensa
Abril 2009**

**PLANEAMENTU STRATEJIKU MINISTERIU DA JUSTISA: PASU IDA
BA OIN ATU DEZEMVOLVE SETOR JUDISIARIU**

Planeamentu Stratejiku (PS) Ministeriu da Justisa ne'ebe halao durante loron rua iha dia 16-17-04-2009, iha Salaun Reuniaun Ministeriu Negosiu Estranjeiru ho objetivu atu identifika problema krusial sira iha setor justisa formal no atu dezeiña vizaun sistema justisa formal ida ba Timor Leste iha tinan 10 oin mai. PS ne'e produz pontu importante balun ne'ebe ita espeira katak bele uza nudar baze ida atu dezemvolve sistema justisa formal ida ne'ebe forte no bele fo asesu ba comunidade tomak, liu-liu ba sira ne'ebe ba buka justisa no maioria hela iha area rural.

Kestions tematiku sira ne'ebe identifika durante prosesu ne'e inklui impedimentu substansial nomos tekniku. Impedimentu hirak ne'e mak hanesan; produktu lei ne'ebe seidak adeguada atu response ba problema comunidade nian, konseitu politika judisiariu ne'ebe la klaru, limitasaun rekursu humanos, limitasaun infra-estrutura judisiariu ne'ebe apoia asesu ba sistema justisa formal, prosperidade autor judisiariu, kompozisaun no involvimentu autor nasional ho internasional iha kontestu vizaun sistema judisiariu ne'ebe ideal liu ba ita iha tempu oin mai. Entertantu, kestions teknikas sira ne'ebe sei kontinua sai preukupasaun nasional mak kestaun utilizasaun lian Portugues nudar instrumentu atu halo interasaun iha setor judisiariu, manajemenutu administrasaun judisiariu, limitasaun konseitu ba utilizasaun no alokasaun rekursu ne'ebe iha no apoiu lojistiku sira seluk ne'ebe normal eziste ka fornesidu iha pratika judisiariu nian.

Maske iha pro-kontra ba asuntu balun, maibe persiza sublinha katak ida ne'e pasu pozitivu no produtivu atu fo fatin ne'ebe naton ba componente nasaun tomak hodi fo sira nia kontribuisaun no buka formula ka kuadramentu sistema judisiariu ida ne'ebe ideal liu atu implementa iha Timor Leste.

Tanba ne'e, JSMP simu ho haksolok esforsu ne'e no kongratula Ministeriu da Justisa ne'ebe servisu makas atu dezeiña PS ne'e, liu-liu hakarak

involve no simu sujestaun hotu ne'ebe mai husi komponente sira ne'eeb servisu iha setor judisiariu nian.

JSMP hein katak transparensia Ministeriu da Justisa atu kolabora ho sociedade sivil persiza kontinua nune'e vizaun husi sistema justisa ne'ebe formula iha planeamentu stratejiku ne'e bele refleto duni situasaun, esperensia pratiku no esperitu husi soseidade Timor Leste nian.

Aleinde ne'e, JSMP sujere mos atu persiza halo revizaun anual ba Planeamentu Stratejiku ne'e atu hare fila fali rezultadu saida mak consege atinzi husi planu ne'e.

Atu hetan informasaun kle'an favor kontaktu:

Luis de Oliveira Sampaio

Diretor Eksekutivu JSMP

Diresaun Email: luis@jsmp.minihub.org

Telefone: 3323883